

Jedinstveni identifikacioni broj (JIB)

4236093550003

Naziv pravnog lica

BRATSTVO d.d. Gornji Vakuf-Uskoplje

Datum registracije

Oblik

d.d.

OVJERAVA FIA

Sjedište

Gornji Vakuf-Uskoplje

Matični broj

Datum

Potpis referenta

Pečat

Ulica i broj

VRŠKI PUT BB

PDV obveznik

DA

PDV broj

236093550003

Subjekt od javnog interesa

DA

Šifra djelatnosti po KDBiH 2010

35.11**Proizvodnja električne energije**

Broj transakcionog računa

1414385320000788

Naziv banke

Bosna Bank International d.d. Sarajevo

E-mail adresa pravnog lica

tele-com@bih.net.ba

Telefon pravnog lica

030/260-672

ODGOVORNO LICE U PRAVNOM LICU

Ime

Džemal

Prezime

Hasanbegović

Pozicija

Direktor

Pol

Muški

VLASNIČKA STRUKTURA

Naziv suvlasnika

Procenat vlasništva

1. Bosna i Hercegovina**2. Federacija BiH****3. Kanton****4. Grad****5. Opština 1****6. Opština 2****7. Opština 3****8. Drugo pravno lice u državnom vlasništvu****9. Privatno vlasništvo****Ukupno****100.00%****100.00%**

PODACI O FINANSIJSKOM IZVJEŠTAJU

Tip izvještaja

Revizorski

Verzija izvještaja

Osnovna

Interval izvještavanja - Datum od

1.1.2022.

Interval izvještavanja - Datum do

31.12.2022.

Datum sastavljanja izvještaja

5.9.2023.

Standard izvještavanja

MRS/MSFI (velika pravna lica)

Izvještaj priprema

REVICUS d.o.o. Zenica; licenca br. 9040408107

E-mail adresa

revicush@bih.net.ba

Kontakt-telefon

032/443-920**JIB+ 4236093550003152245174**

Ovaj obrazac se obavezno popunjava i štampa kod pripreme svih tipova finansijskih izvještaja, kao i izjave o neaktivnosti. Ovjera nije potrebna.



REVICUS

Društvo za reviziju, finansijsko i porezno savjetovanje d.o.o. Zenica

Bulevar Kulina Bana 30
72000 Zenica
Tel: 032 443 920
061 468 577
Fax: 032 443 921
revicusbh@bih.net.ba

IZVJEŠTAJ O REVIZIJI FINANSIJSKIH IZVJEŠTAJA ZA DIONIČKO DRUŠTVO „BRATSTVO“ D.D. GORNJI VAKUF- USKOPLJE ZA 2022.GODINU

Revizor: "REVICUS" d.o.o. Zenica, Društvo za reviziju, finansijsko i porezno savjetovanje Zenica -Licenca o ispunjavanju uslova za rad preduzeća za reviziju br. 9040408107 od 19.10.2010.godine

Zenica, 05.09.2023.



S A D R Ž A J:

I. IZJAVA UPRAVE	3
II. IZVJEŠTAJ NEOVISNOG REVIZORA.....	4
III. OPĆI PODACI O DRUŠTVU.....	6
IV. FINANSIJSKI IZVJEŠTAJI.....	9
1. Bilans stanja	10
2. Bilans uspjeha.....	11
V. BILJEŠKE UZ FINANSIJSKE IZVJEŠTAJE.....	12
1. Osnovne računovodstvene politike.....	12
2. Nematerijalna sredstva.....	15
3. Materijalna sredstva.....	16
4. Zalihe.....	17
5. Potraživanja od prodaje (Kupci).....	18
6. Ostala finansijska imovina.....	18
7. Novac i novčani ekvivalenti.....	18
8. Ostala kratkoročna imovina i potraživanja, uključujući i razgraničenja..	19
9. Kapital.....	19
10.Dugoročne finansijske obaveze.....	20
11.Obaveze prema dobavljačima.....	20
12.Ostale kratkoročne obaveze, uključujući i razgraničenja.....	20
13. Račun dobiti i gubitka.....	20
14. Upravljanje rizicima.....	22
15. Događaji nakon datuma bilansiranja.....	24

I. IZJAVA UPRAVE

Uprava je dužna da sastavlja i podnosi računovodstvene izvještaje za svaku finansijsku godinu u skladu sa Međunarodnim standardima finansijskog izvještavanja (MSFI), koji su objavljeni od strane Odbora za međunarodne računovodstvene standard (IASB), a pružaju istinit i fer pregled stanja rezultata poslovanja privrednog društva “Bratstvo” d.d. Gornji Vakuf-Uskoplje za navedeni period.

Nakon provedbe odgovarajućeg istraživanja, Uprava opravdano očekuje da će Društvo u dogledno vrijeme raspolagati odgovarajućim resursima. Iz tog razloga Uprava i dalje usvaja načelo vremenske neograničenosti poslovanja pri sastavljanju finansijskih izvještaja.

Pri izradi finansijskih izvještaja Uprava je odgovorna:

- davanje opravdanih i razboritih prosudbi procjena,
- postupanje u skladu s važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima i
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će Društvo nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Društva. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji u Federaciji Bosne i Hercegovine. Pored toga, Uprava je odgovorna za čuvanje imovine Društva, te za poduzimanje opravdanih koraka za spriječavanje i otkrivanje prevare i drugih nepravilnosti.

Finansijske izvještaje odobrila je Uprava na dan 28.02.2023. godine i potpisani su od strane direktora Društva i certificiranog računovođe Jonić Damira.

Za i u ime Uprave,

Džemal Hasanbegović, direktor

“BRATSTVO” d.d.

Vrški put bb

70240 Gornji Vakuf-Uskoplje



II. IZVJEŠTAJ NEOVISNOG REVIZORA

DIONIČARIMA DIONIČKOG DRUŠTVA „BRATSTVO“ D.D. GORNJI VAKUF-USKOPLJE

Mišljenje

Obavili smo reviziju priloženih finansijskih izvještaja dioničkog društva „Bratstvo“ d.d. Gornji Vakuf-Uskoplje (dalje: Društvo), koji obuhvataju izvještaj o finansijskom položaju na dan 31. decembra 2022.godine, izvještaj o sveobuhvatnoj dobiti, promjenama u kapitalu i novčanom toku za godinu završenu na taj dan, te bilješke uz finansijske izvještaje uključujući i sažetak značajnih računovodstvenih politika.

Prema našem mišljenju, priloženi finansijski izvještaji istinito i fer prikazuju u svim značajnim odrednicama finansijski položaj Društva na dan 31.decembra 2022.godine, njegovu finansijsku uspješnost, te njegove novčane tokove, za godinu tada završenu i u skladu su sa Međunarodnim standardima finansijskog izvještavanja (MSFI).

Temelj za mišljenje

Reviziju smo obavili u skladu s Međunarodnim revizijskim standardima (MrevS-ima). Naše su odgovornosti prema tim standardima detaljno opisane u dijelu pod naslovom “Odgovornost revizora za reviziju finansijskih izvještaja” u našem izvještaju. Neovisni smo od Društva u skladu s “Kodeksom etike za profesionalne računovođe” koji je izdao Odbor za međunarodne standarde etike za računovođe (IESBA-in Kodeks), i ispunili smo naše ostale etičke odgovornosti u skladu s IESBA-inim Kodeksom. Vjerujemo da su revizijski dokazi koje smo pribavili dostatni i primjereni da osiguraju temelj za naše revizijsko mišljenje.

Ključna revizijska pitanja

Ključna revizijska pitanja su ona pitanja koja su bila, po našoj profesionalnoj procjeni, od najveće važnosti za našu reviziju godišnjih finansijskih izvještaja tekućeg razdoblja. Tim pitanjima smo se bavili u kontekstu naše revizije godišnjih finansijskih izvještaja kao cjeline i pri formiranju našeg mišljenja o njima, i mi ne dajemo zasebno mišljenje o tim pitanjima.

Odredili smo da nema ključnog revizijskog pitanja za navesti u našem izvještaju.

Odgovornost Uprave i onih koji su zaduženi za upravljanje i za godišnje finansijske izvještaje

Uprava je odgovorna za sastavljanje i objektivni prikaz finansijskih izvještaja u skladu s Međunarodnim standardima finansijskog izvještavanja i za one interne kontrole za koje uprava odredi da su potrebne za omogućavanje sastavljanja finansijskih izvještaja koji su bez značajnog pogrešnog prikazivanja uslijed prijevare ili pogreške. U sastavljanju finansijskih izvještaja uprava je odgovorna za procjenjivanje sposobnosti subjekta da nastavi s vremenski neograničenim poslovanjem, za objavljivanje, ako je primjenjivo, za pitanja povezanih s neograničenošću vremena poslovanja i primjenu postavke neograničenosti vremena poslovanja, osim ako uprava ili namjerava likvidirati ili prekinuti poslovanje Društva, ili nema realne alternative nego da to učini. Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovilo Društvo.

Odgovornosti revizora za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikazivanja uslijed prijevare ili pogreške, te izdati izvještaj revizora koji uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MrevS-ima uvijek otkriti značajno pogrešno prikazivanje kada ono postoji. Pogrešna

prikazivanja mogu nastati uslijed prijevare ili pogreške i smatraju se značajnima ako se razumno može očekivati da, pojedinačno ili skupno, utječu na ekonomske odluke korisnika donesene na osnovu tih finansijskih izvještaja.

Kao sastavni dio revizije u skladu s MrevS-ima, stvaramo profesionalne prosudbe i održavamo profesionalni skepticizam tokom revizije te:

- prepoznamo i procjenjujemo rizike značajnog pogrešnog prikazivanja finansijskih izvještaja, zbog prijevare ili pogreške, oblikujemo i provodimo revizijske procedure kao reakciju na te rizike i pribavljamo revizijske dokaze koji su dovoljni i primjereni da osiguraju temelj za naše mišljenje. Rizik neotkrivanja značajnog pogrešnog prikazivanja nastalog uslijed prijevare veći je od rizika neotkrivanja značajnog pogrešnog prikazivanja nastalog uslijed pogreške, jer prijevare može uključiti tajne sporazume, krivotvorenje, namjerno ispuštanje, pogrešno prikazivanje ili zaobilaženje interne kontrole;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne za svrhu izražavanja mišljenja o učinkovitosti interne kontrole Društva;
- ocjenjujemo primjerenost primijenjenih računovodstvenih politika i razumnost računovodstvenih procjena te povezanih objava koje je stvorila uprava;
- zaključujemo o primjerenosti primjene računovodstvene osnove vremenske neograničenosti poslovanja i, temeljeno na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu neizvjesnost u sposobnost subjekta da nastavi s vremenski neograničenim poslovanjem. Ako zaključimo da postoji značajna neizvjesnost, od nas se zahtijeva da skrenemo pažnju u ovom revizijskom izvještaju na povezane objave u finansijskim izvještajima ili, ako ove objave nisu odgovarajuće, da modificiramo naše mišljenje. Naši zaključci se temelje na revizijskim dokazima pribavljenim sve do datuma našeg revizijskog izvještaja. Međutim, budući događaji ili uvjeti mogu prouzrokovati da Društvo prestane s vremenski neograničenim poslovanjem;
- ocjenjujemo cjelokupnu prezentaciju, strukturu i sadržaj godišnjih finansijskih izvještaja, uključujući povezane objave, te uključuju li finansijski izvještaji odnosno transakcije i događaje na kojima su utemeljeni na način kojim se postiže fer prezentacija.

Komuniciramo s onima koji su zaduženi za nadzor u vezi s, između ostalog, planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom naše revizije.

Također, dajemo izjavu onima koji su zaduženi za nadzor da smo postupali u skladu s relevantnim etičkim zahtjevima vezanim za neovisnost, kao i, tamo gdje je to primjenjivo, o povezanim mjerama zaštite.

Među pitanjima o kojima se komunicira s onima koji su zaduženi za nadzor, određujemo ona koja su od najveće važnosti za reviziju finansijskih izvještaja tekućeg razdoblja i stoga su ključna revizijska pitanja. Ta pitanja opisujemo u našem izvještaju neovisnog revizora, osim ukoliko zakon ili propisi sprječavaju javno objavljivanje tih pitanja ili, kada odlučimo, u iznimno rijetkim okolnostima, da ta pitanja ne trebamo komunicirati u našem izvještaju neovisnog revizora, s obzirom da se razumno može očekivati da bi negativne posljedice njihove objave nadmašile dobrobiti javnog interesa.

Partner u reviziji:



U ime i za "Revicus" d.o.o.
Bulevar Kulina Bana 30,
72000 Zenica, Bosna i Hercegovina

Zenica, 05. septembra 2023. godine

Stana Lovrićki, dipl.oec.
Ovlašteni revizor

Direktor: Hamdija Mujinović, dipl.oec.
Ovlašteni revizor

III. OPĆI PODACI O DRUŠTVU

Naziv:	„BRATSTVO“ d.d. Gornji Vakuf-Uskoplje
Sjedište:	70240 Gornji Vakuf-Uskoplje, Vrški put bb
Oblik organizovanja:	Dioničko društvo
Vlasništvo:	privatno (100 %),
Zastupnici Društva:	Đemal Hasanbegović, direktor Društva Ismet Gekić, prokurista
Identifikacioni broj Društva:	4236093550003(Kantonalni porezni ured Novi Travnik)
PDV broj:	236093550003 (Uprava za indirektno oporezivanje Banja Luka)
Transakcijski račun: Bosna Bank International	1414385320000788
Djelatnost Društva:	35.11 Proizvodnja električne energije
Članovi Nadzornog odbora:	<ul style="list-style-type: none">- Gekić Ismet, predsjednik,- Ljubunčić Fahrudin, član i- Gekić Senad, član.
Članovi Odbora za reviziju:	<ul style="list-style-type: none">- Lerić Meliha, predsjednica,- Zinka Trapo, član i- Gekić Nihada, član.
Prosječan broj zaposlenih u 2022. godini na osnovu sati rada:	2
Razvrstavanje prema zakonskim kriterijima:	Mikro, Subjekt od javnog interesa

Privredno društvo „Bratstvo“ d.d. Gornji Vakuf-Uskoplje registrovano je pod Matičnim brojem subjekta upisa (MBS): 51-02-0053-09 (stari broj:1-55).

Dioničko društvo „Bratstvo“ Gornji Vakuf je pravni sljedbenik Prometnog preduzeća u mješovitoj svojini „Bratstvo“ Gornji Vakuf, upisano u sudski registar Osnovnog suda udruženog rada Zenica, a zaveden je pod Rješenjem U/I-1588/91 od 02.12.1991. godine, broj registracijskog uloška 1/51 Zenica. Podnesak Rješenja o registraciji u Kantonalnom sudu Zenica dana 05.05.1998. godine sa unosom u broj reg. uloška 1-51 i preneseno na Kantonalni sud Travnik, zaveden Rješenjem Kantonalnog suda u Travniku broj U/I-1305 broj reg. uloška 1-51.

Privatizacija državnog kapitala PPMS „Bratstvo“ d.d. provedeno je po Rješenju i Zapisniku broj UP-I-60-64/99, a koji je Agencija za privatizaciju SBK potvrdila Rješenjem broj 04-9/3614/00 od 19.10.2000. godine metodom javne ponude dionica, a što je utvrđeno rješenjem o odobrenju upisa izvršene privatizacije u sudski registar broj 01-19-78/01 od 03.07.2001. godine.

Rješenjem broj:U/I-567/01, od 28.01.2002. godine, «Bratstvo» d.d. Gornji Vakuf-Uskoplje registrovano je kao privatizirano preduzeće u obliku dioničarskog društva kod Kantonalnog suda Travnik. Do prethodno navedenog Rješenja preduzeće je bilo organizovano po Rješenju broj:U/I-1588/091 od 02.12.1991. godine, izdatog od Osnovnog suda udruženog rada u Zenici. Po prethodno navedenom rješenju konkretno pravno lice se zvalo Prometno preduzeće u mješovitoj svojini „Bratstvo“ Gornji Vakuf, sa sjedištem u Gornjem Vakufu.

Preduzeće PPMS „Bratstvo“ Gornji Vakuf je u potpunosti privatizirano putem Javnog upisa dionica po objavljenom Prijavnom pozivu za upis dionica u Federaciji Bosne i Hercegovine (Drugi krug-prvi poziv). Prvi poziv, prvog kruga javnog upisa dionica nije uspio jer je ostvareni upis podbacio ponuđeni kapital za 3,08 puta, odnosno ponuđeni kapital iznosio je 2.078.537,00 KM, a upisani kapital iznosio je 6.419.214,90 KM.

Prijavni poziv za upis dionica i rezultati upisa dionica objavljeni su u dnevnim novinama „Dnevni avaz“. Rezultati upisa u Prvom pozivu, Prvog kruga upisa objavljeni su 03.04.2001. godine, a rezultati upisa Prvog poziva Drugog kruga Javnog upisa dionica objavljeni su 05.06.2001. godine, takođe u „Dnevnom avazu.“

Agencija za privatizaciju SBK Travnik je prihvatila zahtjev i donijela Rješenje o odobrenju Programa za privatizaciju i Početnog bilansa broj:04-19-3614/00, od 19.10.2000. godine.

Odobrava se upis izvršene privatizacije u sudski registar kod nadležnog suda u Travniku. Komisija za vrijednosne papire F BiH je donijela Rješenje o upisu u registar kod Komisije za vrijednosne papire broj: 03-19-308/01, od 6.11.2001. godine kojim se konstatuje da upisani i uplaćeni kapital privatiziranog preduzeća iznosi 2.078.425,00 KM, a da je isti sadržan u 166.274 dionice nominalne vrijednosti 12,50 KM po jednoj dionici. U prilogu Izvještaja priložen je Pomoćni registarski list U/I-567/01 koji sadrži spisak 23 dioničara sa podacima dioničkog vlasništva iskazanim u vrijednosti kapitala, broju dionica i procentu učešća svakog dioničara u ukupnom kapitalu, sa većinskim dioničarem Gekić Ismet u procentu od 52,6522%.

Po izvršenoj konsolidaciji društva u periodu do 2012.godine došlo je do smanjenja osnovnog kapitala tako da je Komisija za vrijednosne papire donijela Rješenje broj. 03/1-19-194/13 od 21.11.2013.godine kojim se Odobrava smanjenje kapitala za iznos od 1.223.585,28 KM smanjenjem nominalne vrijednosti dionice sa 100,00 KM na 41,12 KM, s tim da broj od 20.781 emitovane redovne dionice ostaje isti. Registarski broj upisa: 01-123-4981.Nakon smanjenja, osnovni kapital emitenta Dioničko društvo „Bratstvo“ Gornji Vakuf, Vrški put bb. Gornji Vakuf-Uskoplje iznosi 854.514,72 KM.U skladu sa zakonom, član 21. Zakona o tržištu vrijednosnih papira DD Bratstvo je izvršilo registraciju dionica u Registru vrijednosnih papira u F BiH po Rješenju KVP-a u F BiH.

Dioničko društvo predstavlja i zastupa direktor Samir Čalkić.

Rješenjem Općinskog suda u Travniku broj:051-0-Reg-12-000347 od 13.06.2012.godine registrovano je usklađivanje sa Zakonom o izmjenama i dopunama Zakona o privrednim društvima, odnosno promjena naziva i promjena djelatnosti u skladu sa KD BiH 2010. Naziv društva je Zatvoreno dioničko društvo „BRATSTVO“ d.d. Gornji Vakuf-Uskoplje, a šifra djelatnosti je 35.11- Proizvodnja električne energije.

Rješenjem Općinskog suda u Travniku broj:051-0-Reg-13-000744 od 07.01.2014.godine registrovano je smanjenje kapitala i povećanje nominalne vrijednosti dionice.

Dionički kapital registrovan je u iznosu od 854.514,72 KM koji je podijeljen u 20.781 dionicu nominalne vrijednosti 41,12 KM.

Prema listi vlasnika vrijednosnih papira dioničkog društva „Bratstvo“ Gornji Vakuf-Uskoplje, izdate od strane Registra Vrijednosnih Papira dana 05.9.2023.godine, evidentirana su svega četiri dioničara i to:

- Gekić Arnesa, Gornji Vakuf-Uskoplje sa vlasništvom 167 dionica ili 0,8036 % dioničkog kapitala,
- Gekić Ismet, Gornji Vakuf-Uskoplje sa vlasništvom 20.571 dionica ili 98,9895 % dioničkog kapitala,
- Šehić Hajrudin, Gornji Vakuf-Uskoplje sa vlasništvom 34 dionice ili 0,1636 % dioničkog kapitala i
- Topčić Abdulah, Gornji Vakuf-Uskoplje sa vlasništvom 9 dionica ili 0,0433 % dioničkog kapitala.

Na gore navedeni način registrirano je Društvo koje za osnovnu djelatnost ima proizvodnju električne energije.

Društvo je pokrenulo postupak promjene oblika organizovanja iz dioničkog društva u društvo sa ograničenom odgovornošću.

Privredno društvo „Bratstvo“ Gornji Vakuf-Uskoplje nema organizacijski konstituiranu internu kontrolu, kao oblik permanentne kontrole izvršenja poslova i radnih zadataka u skladu sa postavljenom organizacijom, ali je vidljivo da je kroz oblik sistematizacijskog postavljanja radnih zadataka, uspostavljen mehanizam nadležnosti prava i obaveza, a usvojene su i odgovarajuće procedure za obradu interne i eksterne dokumentacije, te se na taj način obavlja i kontrola poslovanja, odnosno adekvatnog izvršavanja radnih zadataka. u Društvu.

IV. FINANSIJSKI IZVJEŠTAJI

Usklađenost sa MSFI

Priloženi finansijski izvještaji predstavljaju finansijske izvještaje Društva sastavljene u skladu sa Zakonom o računovodstvu i reviziji FBiH, objavljenog u Službenim novinama FBiH br. 15/21 dana 24. februara 2021. godine. Ovaj Zakon zahtjeva da se finansijski izvještaji pripremaju u skladu sa Međunarodnim standardima finansijskog izvještavanja (MSFI) i Međunarodnim računovodstvenim standardima (MRS), odnosno Međunarodnim standardima finansijskog izvještavanja (MSFI). Ovi standardi i tumačenja primjenjuju se u FBiH pri izradi finansijskih izvještaja koji se odnose na razdoblja koja počinju od 01.01.2021.godine. Finansijski izvještaji su sastavljeni u skladu sa Pravilnikom o sadržaju i formi finansijskih izvještaja za privredna društva objavljenog u Službenim novinama FBiH br. 81/21 od 11. oktobra 2021. godine.

Osnove za pripremu finansijskih izvještaja

Društvo vodi svoju knjigovodstvenu evidenciju i sastavlja računovodstvene iskaze u skladu sa Zakonom o računovodstvu i reviziji u FBiH („Službene novine FBiH“, broj: 15/21) i Međunarodnim standardima finansijskog izvještavanja (MSFI) koji se primjenjuju u FBiH.

Finansijski izvještaji prezentirani su u valuti Bosne i Hercegovine, Konvertibilna marka (KM). Konvertibilna marka (KM) je fiksno vezana za Euro (1 EUR = 1,95583 KM). Finansijski izvještaji su pripremljeni u skladu s načelom neograničenosti vremena poslovanja.

Prezentirani finansijski izvještaji su nekonsolidirani izvještaji Društva.

Finansijski izvještaji su sastavljeni po načelu historijskog troška. Historijski trošak se općenito zasniva na fer vrijednosti naknade date u zamjenu za imovinu.

Od godišnjeg obračuna za 2022.godinu finansijski izvještaji se iskazuju na izmijenjenim obrascima u odnosu na ranije obračunske periode, a obzirom da se Društvo razvrstava u mikro preduzeća, koriste se posebni skraćeni obrasci Bilans stanja i Bilans uspjeha.

1. Izvještaj o finansijskom položaju na kraju perioda (Bilans stanja) na dan 31.12.2022. godine

- u KM -

STAVKE	Bilješka	31.12.2022.	31.12.2021.	Index
IMOVINA				
A. Dugoročna imovina		937.885	963.682	97,32
1. Nekretnine, postrojenja i oprema	2/3	937.885	963.682	97,32
B. Kratkoročna imovina		308.713	221.435	139,41
1. Zalihe	4.	8.455	-	-
2. Potraživanja od kupaca i ugovorna imovina	5.	36.797	10.459	351,82
3. Ostala finansijska imovina	6.	15.000	15.980	93,87
4. Novac i novčani ekvivalenti	7.	219.913	182.420	120,55
5. Akontacije poreza na dobit		980	-	-
6. Ostala imovina i potraživanja, uključujući i razgraničenja	8.	27.568	12.576	219,21
C. UKUPNA IMOVINA		1.246.598	1.185.117	105,19
D. VANBILANSNA EVIDENCIJA		-	-	-
E. UKUPNO IMOVINA I VANBILANSNA EVIDENCIJA		1.246.598	1.185.117	105,19
KAPITAL				
1. Vlasnički kapital	9.	854.514	854.515	100,00
2. Rezerve	9.	20.915	20.915	100,00
3. Dobit	9.	193.922	139.946	138,57
3.1. Akumulirna, nerasp. dobit iz preth. perioda	9.	139.945	139.946	100,00
3.2. Dobit tekućeg perioda	9.	53.977	-	-
4. Gubitak	9.	42.998	42.998	100,00
4.1. Akumulirani, nepokriveni gubici iz prethodnih perioda	9.	42.998	353	-
4.2. Gubitak tekućeg perioda	9.	-	42.645	-
A. UKUPNO KAPITAL	9.	1.026.353	972.378	105,55
OBAVEZE				
B. Dugoročne obaveze	10.	12.576	12.576	100,00
1. Ostale obaveze uključujući razgraničenja	10.	12.576	12.576	100,00
C. Kratkoročne obaveze		207.669	200.163	103,75
1. Obaveze prema dobavljačima i ugovorne obaveze	11.	3.551	103	-
2. Obaveze za porez na dobit	12.	5.997	-	-
3. Ostale obaveze, uključujući i razgraničenja	12.	198.121	200.060	99,03
D. UKUPNO OBAVEZE		220.245	212.739	103,53
E. UKUPNO KAPITAL I OBAVEZE		1.246.598	1.185.117	105,19
F. VANBILANSNA EVIDENCIJA		-	-	-
G. UKUPNO KAPITAL, OBAVEZE I VANBILANSNA EVIDENCIJA		1.246.598	1.185.117	105,19

2. Izvještaj o ukupnom rezultatu za period (Bilans uspjeha) od 01.1.2022. do 31.12.2022. godine

- u KM -

STAVKE	Bilješka	31.12.2022.	31.12.2021.	Index
Bilans uspjeha				
A. Prihodi iz ugovora s kupcima	13.1.1.	248.545	144.271	172,28
1. Prihodi od prodaje gotovih proizvoda	13.1.1.	-	144.271	-
2. Prihodi od pruženih usluga		248.545	-	-
B. Poslovni rashodi	13.2.1.	199.716	185.169	107,86
1. Troškovi sirovina i materijala	13.2.1.2.	132	-	-
2. Troškovi energije i goriva	13.2.1.3.	9.153	-	-
3. Troškovi plaća i ost. ličnih primanja	13.2.1.4.	20.461	26.396	77,52
4. Amortizacija	13.2.1.5.	59.179	67.446	87,74
5. Ostali poslovni rashodi i troškovi	13.2.1.6.	110.791	91.327	121,31
C. Ostali prihodi i rashodi	13.1.2.	9.147	43.384	21,08
1. Dobici i gubici od finansijske imovine i ulaganja, neto	13.1.2.	-	-87.434	-
2. Finansijski rashodi	13.2.2.	-	5.591	-
3. Ostali prihodi i dobici	13.1.2.	9.147	136.409	6,71
D. Dobit prije oporezivanja		57.976	2.486	-
E. Gubitak prije oporezivanja	13.3.	-	-	-
F. Porez na dobit	13.3.	6.341	-	-
1. Tekući porez na dobit	13.3.	6.341	-	-
G. Dobit	13.3.	51.635	2.486	-
H. Gubitak		-	-	-
IZVJEŠTAJ O OSTALOM UKUPNOM REZULTATU				
I. Ostali ukupni rezultat		-	-	-
J. UKUPNI REZULTAT	13.3.	51.635	2.486	-

IV. BILJEŠKE UZ FINANSIJSKE IZVJEŠTAJE

Bilješke uz finansijske izvještaje izložene na stranama 12 do 24 su sastavni dio revidiranih finansijskih izvještaja, a iste objašnjavaju određene pozicije i transakcije, uključujući i preporuke za ispravke eventualnih nedosljednosti ili preporuke u smislu kvalitetnije izrade i prezentacije finansijskih izvještaja, što treba koristiti boljem informisanju nadležnih subjekata u Društvu i van Društva.

Na osnovu uvida u registraciju privrednog društva „Bratstvo“ Gornji Vakuf-Uskoplje i interne akte, te na osnovu uvida u finansijske dokumente i izvještaje, koji se odnose na godišnje obračune za 2021. i 2022. godinu, Revizor je, u prvom redu uporedio odgovarajuće elemente finansijskih izvještaja na kraju posmatranog obračunskog perioda u odnosu na prethodni obračunski period, a koji se odnose na sredstva, obaveze i vlasnički kapital iskazan u Bilansu stanja, te prihode, rashode i poslovni rezultat iskazan u Bilansu uspjeha, a potom gotovinski tok i promjene u kapitalu, specifikacije prihoda i rashoda, kupaca i dobavljača, kao i drugih potraživanja i obaveza, a potom je ispitivao vjerodostojnost iskazivanja pojedinih transakcija i pozicija finansijskih izvještaja koristeći finansijske kartice i ostalu potrebnu dokumentaciju (izvještaje o izvršenom popisu, naloge za knjiženje, pojedine ulazne odnosno izlazne račune, te izvode o stanju sredstava na transakcijskim računima i dr.).

1. OSNOVNE RAČUNOVODSTVENE POLITIKE

Na osnovu uvida u finansijsko-računovodstvene izvještaje, obračune i normativna akta Poduzeća, Revizor se uvjerio da se primjenjuju računovodstveni propisi i računovodstvene politike utvrđene Zakonom o računovodstvu, Kodeksom računovodstvenih načela, Međunarodnim računovodstvenim standardima (MRS) i Međunarodnim standardima finansijskog izvještavanja (MSFI), i to kako slijedi:

Finansijsko knjigovodstvo je organizirano tako da adekvatno prati analitičke i operativne evidencije i daje pouzdane informacije o iznosima iskazanim u finansijskim izvještajima.

U nastavku dajemo sažetak računovodstvenih politika korištenih u pripremi finansijskih izvještaja za 2022. godinu.

a) Politika vrednovanja, iskazivanja amortizacije i revalorizacije stalnih nematerijalnih sredstava

Prelaskom na Međunarodne računovodstvene standarde nematerijalna sredstva su priznata po osnovu nabavne vrijednosti koju čine nabavna cijena i zavisni troškovi nabavke.

Nakon početnog priznavanja, nematerijalna sredstva su evidentirana po nabavnoj vrijednosti umanjenoj za ispravku vrijednosti (metod troška).

Za nematerijalna sredstva je procijenjen vijek trajanja, odnosno period u kojem će pritijecati buduće ekonomske koristi. Amortizacija se obračunava po linearnoj metodi.

b) Politika vrednovanja, iskazivanja amortizacije i revalorizacije stalnih materijalnih sredstava

Materijalna stalna sredstva su sredstva koja se drže za korištenje u djelatnosti poduzeća pri isporuci usluga i za administrativne i ostale svrhe i za koje se očekuje da će se koristiti više od jedne godine.

U materijalna stalna sredstva svrstavaju se i rezervni dijelovi kada poduzeće očekuje da će ih koristiti duže od jedne godine i ako se mogu koristiti samo u vezi s nekom stavkom nekretnina, postrojenja i opreme.

U slučaju kada sastavni dijelovi stalnog sredstva imaju različit vijek upotrebe ili obezbjeđuju korist na različiti način, pa je neophodno primijeniti različite amortizacione stope ili različite metode obračuna, ukupni izdatak za nabavku stalnog sredstva će se rasporediti na njegove sastavne dijelove i utvrditi nabavna vrijednost svakog tog dijela zasebno.

Sredstvo će biti priznato kao stalno sredstvo kada se ocijeni vjerovatnim da će buduće ekonomske koristi vezane za to sredstvo priticati u poduzeće i kada se trošak stalnog sredstva može pouzdano izmjeriti.

Sredstvo će biti priznato kao stalno sredstvo i kada se zna da to sredstvo neće direktno povećati buduće ekonomske koristi, ali je nabavka tog sredstva neophodna da bi se dobile ekonomske koristi od drugih stalnih sredstava.

Materijalna sredstva vrednuju se i iskazuju po trošku nabave, odnosno po nabavnoj cijeni.

U trošak nabavke mogu se uračunati i troškovi vlastitog transporta, s tim da ti troškovi ne mogu biti veći od troškova koji bi nastali da je transport obavljen od strane javnog prevoznika.

Trošak sredstva izgrađenog u vlastitoj režiji se utvrđuje korištenjem načela kao i za nabavku sredstva.

Materijalna stalna sredstva otpisuju (amortizuju) se na osnovu procijenjenog vijeka upotrebe. Vijek upotrebe sredstva je određen vremenom u kojem poduzeće očekuje da će koristiti sredstvo.

Izabrani metod obračuna amortizacije primjenjuje se dosljedno u dužem vremenskom periodu i samo u opravdano izmjenjenim okolnostima izabrani metod se može promijeniti.

Amortizacione stope za pojedina stalna materijalna sredstva su utvrđene Pravilnikom o amortizaciji stalnih sredstava.

Ostatak vrijednosti stalnog materijalnog sredstva se ne procjenjuje i ne vrši se umanjeње osnovice za obračun amortizacije po ovom osnovu.

c) Ulaganja

Ulaganja se klasifikuju kao dugoročna i kratkoročna (tekuća) zavisno od roka na koji se ulažu, od čega zavisi i njihovo knjiženje na stalna odnosno tekuća sredstva.

Prihod od otuđenja ulaganja utvrđen je u Bilansu uspjeha, kao razlika između neto prodajne (tržišne) vrijednosti i nabavne, odnosno knjigovodstvene vrijednosti ulaganja na dan otuđenja.

d) Zalihe

Zalihe sirovina i materijala, rezervnih dijelova, sitnog inventara i auto guma evidentiraju se po trošku tj. po nabavnim cijenama. Ukoliko je neto prodajna vrijednost navedenih zaliha niža od troškova nabavke, zalihe se vrednuju i iskazuju po neto prodajnoj cijeni. Obračun utroška sirovina i materijala, rezervnih dijelova, sitnog inventara i auto guma vrši se po prosječnim ponderisanim cijenama.

Sitan inventar i auto gume u upotrebi otpisuju se 100 %-tnom metodom otpisa.

e) Gotovina i ekvivalenti gotovine

Gotovina u banci i blagajni se sastoji od novca na transakcijskim računima u bankama i gotovog novca u glavnoj blagajni u nominalnom iznosu, dok se strani novac vrednuje po kursu Centralne banke BiH na dan bilansiranja.

f) Razgraničenja i rezervisanja

Rezervisanja i razgraničenja se vrše na ime budućih izdataka i troškova, a dugoročno se mogu razgraničiti i prihodi kada je unaprijed izvršena njihova naplata, a odnose se, osim na tekući obračunski period, na jedan ili više obračunskih perioda u budućnosti.

g) Ugovori o izgradnji

Prihodi i rashodi po osnovu ugovora o izgradnji priznaju se u Bilansu uspjeha na osnovu utvrđene vrijednosti izvršenog posla, koriguju se za rezervisanja po osnovu datih garancija i drugih popusta. Konačna vrijednost izvršenih radova sačinjava se na osnovu objektivne specifikacije izvršenih radova na utvrđeni datum.

h) Politika vrednovanja i iskazivanja prihoda

Prihod ustanove predstavlja povećanje ekonomske koristi u toku obračunskog knjigovodstvenog perioda u formi priliva tj. povećanja sredstava, odnosno kao smanjenje obaveza, što rezultira u povećanju kapitala, koje nije rezultat doprinosa samih učesnika u kapitalu.

Definicija prihoda obuhvata prihode iz operativnih aktivnosti (poslovni prihodi) i neoperativnih aktivnosti (finansijski i ostali prihodi).

Prihodi koji proističu iz operativnih aktivnosti odnose se na prihode od redovne, odnosno osnovne djelatnosti i prodaje usluga.

Neoperativni prihodi su prihodi koji mogu, ali ne moraju proisteći iz redovnih, operativnih aktivnosti. Neoperativni prihodi obuhvataju:

- prihode od ulaganja,
- prihode od finansiranja – kamate,
- ostale prihode, kao što su prihodi od donacija, subvencija, regresa, viškova, prihoda od penala, kazni, nagrada, naplaćenih otpisanih potraživanja, vanredni prihodi i dr.

Neoperativni prihodi se evidentiraju i iskazuju u bilansu uspjeha kao posebna stavka odvojeno od operativnih prihoda.

Odgodeno priznavanje prihoda evidentira se kao razgraničenje.

i) Politika vrednovanja i iskazivanja rashoda

Rashodi obuhvataju rashode koji proističu iz operativnih, osnovnih ili redovnih aktivnosti (poslovni rashodi), kao i neoperativne rashode (finansijski i ostali rashodi) koji ne proizilaze iz osnovnih redovnih aktivnosti.

Operativni rashodi predstavljaju rashode, kao što su troškovi prodaje usluga, plaće, amortizacija i svi drugi troškovi nastali u vezi sa obavljanjem osnovne djelatnosti.

Neoperativni rashodi su rashodi koji proističu iz drugih neoperativnih aktivnosti, kao što su rashodi od ulaganja, rashodi od finansiranja, ostali rashodi i vanredni rashodi.

Neoperativni rashodi se u bilansu uspjeha iskazuju odvojeno od operativnih rashoda kao posebne rashodovne stavke.

Rashodi se priznaju u bilansu kada se smanjenje budućih ekonomskih koristi odnosi na smanjenje sredstava ili povećanje obaveza, što ima za posljedicu smanjenje kapitala.

Priznavanje rashoda u bilansu uspjeha vrši se na osnovu slijedećih kriterija:

- sučeljavanje troškova sa prihodima, što znači da postoji direktna veza između nastalih troškova i specifičnih stavki prihoda,
- rashodi imaju za posljedicu smanjenje sredstava ili povećanje obaveza koja se mogu pouzdano izmjeriti,
- priznavanje rashoda obavlja se postupkom razumnog rasporeda na obračunske periode, kada se očekuje da će smanjenje ekonomske koristi proisteći tokom nekoliko narednih obračunskih perioda (amortizacija).

2. NEMATERIJALNA SREDSTVA

U poslovnim knjigama privrednog društva „Bratstvo“ Gornji Vakuf-Uskoplje, na dan 31.12.2022. godine, nije bilo iskazane vrijednosti bilo kakvih nematerijalnih sredstava.

3. MATERIJALNA SREDSTVA

3.1. Pregled materijalnih sredstava na dan 31.12.2022.godine

	<i>Zemljište</i>	<i>Građevinski objekti</i>	<i>Oprema</i>	<i>Investicije u toku</i>	<i>Stanovi</i>	- u KM - <i>Ukupno</i>
<u>Nabavna vrijednost:</u>						
01.januara 2022.	91.470	904.792	185.670	-	40.618	3.174.673
Nove nabavke	-	40.618	18.450	16.931	-	803.732
Rashod/prodaja	-	-	-	-	-40.618	-40.618
31.decembra 2022.	91.470	945.410	204.120	16.931	-	216.659
<u>Ispravka vrijednosti:</u>						
01.januara 2022.	0	144.359	105.166	-	9.342	503.669
Amortizacija	-	56.613	13.910	-	-	13.752
Rashod/prodaja	-	-	-	-	-9.342	-436.275
31.decembra 2022.	0	200.972	119.076	0	-	81.146
<u>Sadašnja vrijednost:</u>						
31.decembra 2022.	91.470	744.438	85.044	16.931	-	937.883
31.decembra 2021.	91.470	760.433	80.504	-	31.276	963.683

3.2. Materijalna sredstva obuhvataju:

1. Zemljište;
 - poljoprivredna zemljišta,
 - zemljišta za eksploataciju,
 - ostala zemljišta,
2. Građevinski objekti;
 - stambeni objekti,
 - prodavnica,
 - skladište, hladnjača,
 - magacin s upravom,
 - nova hala
3. Oprema;
 - solarne elektrane,
 - računarska oprema,
 - urešaj za tehnički pregled,

- rashladne komore,
- oprema za grijanje, ventilaciju i hlađenje,
- mjerni instrumenti,
- kancelarijski namještaj,
- putnički automobili,

4. Materijalna sredstva u pripremi;
- ulaganje u građevinske objekte.

Osnovice za obračun amortizacije utvrđene su za svako stalno sredstvo, a zatim su, u skladu sa procijenjenim vijekom trajanja, određene stope po kojima će se vršiti otpis odnosno obračunavati amortizacija stalnih sredstava.

Oprema u upotrebi amortizirana je u visini od 58,34 % njene nabavne vrijednosti, dok su građevinski objekti amortizirani 21,26 %.

U toku 2022.godine evidentirano je povećanje na kontima materijalnih sredstava u ukupnom iznosu od 18.450 KM, što se odnosi na nabavku automobila Mitsubishi Pajero u iznosu od 16.450 KM i 2.000 KM po osnovu korekcije ispravke vrijednosti.

U istom periodu nije vršena prodaja materijalnih sredstava, niti njihovo rashodovanje po nekom drugom osnovu.

Revizor nije prisustvovao popisu materijalnih sredstava, ali uvidom u dokumentaciju i poslovne knjige, posebno odgovarajuće popisne liste sredstava i izvještaje popisnih komisija, uvjerio se u ispravnost postupaka komisija i drugih nadležnih organa i rukovodilaca u Društvu.

4. – ZALIHE

6.1. Specifikacija zaliha sitnog inventara i HTZ opreme

- u KM -

Konto	Naziv	31.12. 2022.	31.12. 2021.	Index %
104	Sitan inventar i HTZ oprema u upotrebi	18.045	9.590	188,16
109	Ispravka vrijednosti	-9.590	-9.590	100,00
	Ukupno:	8.455	0	102,37

Društvo je na kraju 2022.godine, bilansno raspolagalo samo sa zalihama sitnog inventara, ali smo mišljenja da je i ova vrijednost trebala biti otpisana preko konta ispravke vrijednosti.

5. – POTRAŽIVANJA OD PRODAJE (KUPCI)

(konto 211;212;219)

- u KM -

Red. broj	Naziv kupca	Ukupan	promet	Saldo 31.12.2022.
		Duguje	Potražuje	
1.	OPERATOR ZA OIE I EK MOSTAR	125.917	124.065	1.852
2.	TESSA TEXTILES DOO G. VAKUF-USKOPLJE	94.822	80.234	14.588
3.	OSING-OSIGURANJE I INŽENJERING DOO SARAJEVO	78.412	57.915	20.497
4.	INT BH DOO	-	685	-685
5.	SARAJEVO OSIGURANJE DD TRAVNIK	2.106	2.106	-
6.	SUMNJIVA I SPORNA POTRAŽIVANJA	92.384	-	92.384
7.	ISPRAVKA VRIJ.POTR.OD KUPACA	-	92.384	-92.384
	UKUPNO KUPCI (1-7)	393.641	357.389	36.252

Na dan 31.12.2022. godine Društvo je iskazalo potraživanja od kupaca u ukupnom iznosu od 36.252 KM i ista su veća u odnosu na isti period prethodne godine, odnosno za 251,82 %.

Najveći kupac je Operator za obnovljive izvore energije i električnu kogeneraciju Mostar koji otkupljuje proizvedenu električnu energiju.

Revizor je se uvidom u kartice pojedinih kupaca i odgovarajuće izlazne račune Društva, a također i na osnovu potvrđenih Izvoda otvorenih stavki, uvjerio u ispravnost evidencija i iskazanih salda na kontima kupaca.

6. – OSTALA FINANSIJSKA IMOVINA

- u KM -

Konto	Naziv	31.12. 2022.	31.12. 2021.	Index %
241	Dati kratkoročni krediti	15.000	15.000	100,00
	Ukupno:	15.000	15.000	100,00

Gore navedeni kredit odnosi se na pozajmicu pravnom licu IPS FAMOS Pale u iznosu od 15.000 KM.

7. – NOVAC I NOVČANI EKVIVALENTI

- u KM -

Konto	Naziv	Duguje	Potražuje	Saldo 31.12.2022.
20000001	Tr. račun-BBI	219.579	-	219.579
20000002	Tr. račun-UniCredit Bank	40	-	40
205	Blagajne-domaća valuta	294	-	294
20	Ukupno gotovina:	219.913	-	219.913

Gotovinu na grupi konta 20 predstavljaju stanja novčanih sredstava na transakcijskim računima u poslovnim bankama i blagajni, kako je navedeno u gornjem tabelarnom pregledu.

Uvidom revizora u blagajničku dokumentaciju utvrđeno je propisno ispostavljanje naloga za uplatu odnosno isplatu, kao i redovno vođenje blagajničkih dnevnika.

8. – OSTALA KRATKOROČNA IMOVINA I POTRAŽIVANJA, UKLJUČUJUĆI I RAZGRANIČENJA
- u KM -

Konto	Naziv	31.12. 2022.	31.12. 2021.	Index %
238	Potraž.od H. Đemal-administr. zabrana	12.576	12.576	100,00
238	Potraživanja za date avanse	9.750	-	-
234	Potraž. za više plaćeni porez na dobit	980	-	-
27	Potraživanja za ulazni PDV	2.650	-	-
	Ukupno:	25.956	12.576	206,39

9. – KAPITAL

9.1. Struktura kapitala (po knjigovodstvu)

- u KM -				
Konto	Naziv	31.12. 2022.	31.12. 2021.	Index %
302	Udjeli članova d.o.o.	854.515	854.515	100,00
321	Zakonske rezerve	20.915	20.915	100,00
340	Nerasp.dobit ranijih godina	139.946	139.946	100,00
341	Nerasp.dobit izvještajne godine	53.977	-	-
350	Gubitak ranijih godina	-42.999	-354	-
351	Gubitak izvještajne godine	-	-42.645	-
kl.3.	Ukupni kapital:	1.026.354	972.377	105,55

Kako je navedeno u poglavlju III-Opći podaci o Društvu, u prvom Rješenju o registraciji nakon izvršene privatizacije registrovan je ukupni kapital u iznosu od 2.078.425 KM, koji je podijeljen u 166.274 dionice, nominalne vrijednosti 12,50 KM.

Međutim, nakon ostvarenih značajnih gubitaka u poslovanju, tokom 2014.godine je donesena odluka da se izvrši pokriće gubitka iz ranijih godina na način da se smanji broj dionica na 20.781, te da se poveća nominalna vrijednost dionice na 41,12 KM.

Ovo smanjenje je registrovano Rješenjem Općinskog suda u Novom Travniku broj:051-0-Reg-13-000744 od 07.01.2014.godine.

Registrovan je dionički kapital u iznosu od 854.514,72 KM koji je podijeljen u 20781 dionicu nominalne vrijednosti 41,12 KM.

Kapital privrednog društva „Bratstvo“ d.d. Gornji Vakuf-Uskoplje u ukupnom iznosu od 1.026.354 KM na dan 31.12.2022.godine je dobiven korekcijama po osnovu ostvarenih finansijskih rezultata i kako se može vidjeti veći je za 20,11 % u odnosu na dionički kapital registriran u nadležnom registarskom sudu.

10. – DUGOROČNE FINANSIJSKE OBAVEZE

Kao dugoročne finansijske obaveze iskazan je iznos od 12.576 KM po osnovu dugoročnog kredita Đemala Hasanbegovića, a ovaj iznos je iskazan i u okviru potraživanja od Đemala Hasanbegovića.

11. – OBAVEZE PREMA DOBAVLJAČIMA I UGOVORNE OBAVEZE

U Bilansu stanja na dan 31.12.2022. godine, obaveze prema dobavljačima su iznosile 3.008 KM, dok su ugovorne obaveze (obaveze za primljene avanse) iznosile 544 KM, tako da su ukupno ove kategorije obaveza iznosile 3.552 KM.

Može se konstatirati da se obaveze prema dobavljačima redovno izmiruju.

Revizor je se uvidom u kartice pojedinih dobavljača i odgovarajuće ulazne račune Društva, a također i na osnovu potvrđenih Izvoda otvorenih stavki, uvjerio u ispravnost evidencija i iskazanih salda na kontima dobavljača.

12. – OSTALE KRATKOROČNE OBAVEZE, UKLJUČUJUĆI I RAZGRANIČENJA

- u KM -

Konto	Naziv	31.12. 2022.	31.12. 2021.	Indeks %
47	Obaveze za PDV	-	1.940	-
481	Obaveze za porez na dobit	5.997	-	-
483	Obaveze za članarine i naknade	121	121	100,00
490	Unaprijed naplaćeni prihod	198.000	198.000	100,00
	Ukupno:	204.118	200.061	102,03

U odnosu na početno stanje tj. stanje od 31.12.2021. godine, ostale kratkoročne obaveze na kraju posmatranog obračunskog perioda su iskazane na gotovo istom nivou, odnosno veće su samo za evidentirane obaveze za porez na dobit, odnosno manje su iskazani PDV iz prošle godine.

Obaveze za plaće i pripadajuće poreze i doprinose su izmirene prije završetka obračunskog perioda.

Kratkoročna razgraničenja su iskazana u identičnom iznosu na kraju oba obračunska perioda, a odnose se na unaprijed naplaćeni zakup od Osing Osiguranja.

13. – RAČUN DOBITI I GUBITKA

13. 1.– POSLOVNI PRIHODI I RASHODI

13.1. Prihodi

	2022.	%
Prihodi iz ugovora s kupcima	248.545	96,45
Ostali prihodi i dobici	9.147	3,55
Ukupno:	257.692	100,00

13.1.1. Prihodi iz ugovora s kupcima

	2022.	%
Prihodi od prodaje usluga u zemlji	248.545	100,00
Ukupno:	248.545	100,00

13.1.2. Ostali prihodi i dobici

	2022.	%
Prihodi od refundacija ZZZ	4.781	52,27
Ostali prihodi	3.059	33,44
Prihodi od zavoda	1.307	14,29
Ukupno:	9.147	100,00

13.2. Rashodi

	2022.	%
Poslovni rashodi	199.716	100,00
Ukupno:	199.716	100,00

13.2.1. Poslovni rashodi

	2022.	%
Troškovi sirovina i materijala	132	0,07
Troškovi energije i goriva	9.153	4,58
Troškovi plaća i ostalih ličnih primanja	20.461	10,25
Amortizacija	59.179	29,63
Ostali poslovni rashodi i troškovi	110.791	55,47
Ukupno:	199.716	100,00

13.2.1.1. Troškovi sirovina i materijala

	2022.	%
Otpis sitnog alata i inventara	132	100,00
Ukupno:	132	100,00

13.2.1.2. Troškovi energije i goriva

	2022.	%
Utrošena električna energija	503	5,90
Utrošeno dizel gorivo	5.563	65,20
Utrošeni motorni benzin	611	7,16
Ostali troškovi energije i goriva	1.855	21,74
Ukupno:	8.532	100,00

13.2.1.3. Troškovi plaća i ostalih ličnih primanja

	2022.	%
Troškovi plaća (neto plaće, porez i doprinosi na plaću),	17.534	89,90
Troškovi službenih putovanja zaposlenih	943	4,84
Troškovi ostalih primanja, naknada i materijalnih prava zaposlenih	1.025	5,26
Ukupno:	19.502	100,00

13.2.1.4. Amortizacija

	2022.	%
Amortizacija objekata i opreme	59.179	100,00
Ukupno:	59.179	100,00

13.2.1.5. Ostali poslovni rashodi i troškovi

	2022.	%
Troškovi usluga održavanja	11.503	10,75
Troškovi zakupa	75.052	70,14
Troškovi reklame i sponzorstva	400	0,37
Troškovi ostalih usluga	598	0,56
Troškovi neproizvodnih usluga	5.418	5,06
Troškovi reprezentacije	4.910	4,59
Troškovi premije osiguranja	1.054	0,98
Troškovi platnog prometa	907	0,85
Poštanske i telekomunikacijske usluge	1.125	1,05
Troškovi poreza, naknada, taksi i drugih dažbina	1.684	1,57
Ostali nematerijalni troškovi	4.369	4,08
Ukupno:	107.020	100,00

13.3.– FINANSIJSKI REZULTAT

- u KM -

Red. broj	Opis	2022. godina	2021. godina	Indeks %
1.	Ukupni prihodi	257.692	280.680	91,81
2.	Ukupni rashodi	199.716	278.194	71,79
3.	Finansijski rezultat ±	57.976	2.486	2.332,10
5.	Porez na dobit	6.341	-	-
6.	Neto dobit perioda	51.635	2.486	2.077,03

Obavljenom revizijom i analizom prihoda i rashoda, utvrđeno je da su i prihodi i rashodi u 2022.godini ostvareni u nižem iznosu u odnosu na prethodnu godinu, dok su prihodi ostvareni u većem procentualnom iznosu, što za posljedicu ima bolji finansijski rezultat u odnosu na prethodni obračunski period, odnosno ostvarena je dobit prije oporezivanja u iznosu od 57.976 KM, dok je u prethodnoj godini ostvarena dobit iznosila 2.486 KM.

Na osnovu pojedinačnih provjera, komparacija, analize rashoda i prihoda, te uvidom u finansijske izvještaje i ostalu dokumentaciju, može se zaključiti da su prezentirani podaci o finansijskom rezultatu, istinito i fer evidentirani i obračunati u poslovnoj 2022. godini i da su u skladu sa Zakonom o računovodstvu i reviziji Federacije BiH, Međunarodnim računovodstvenim standardima (MRS) i Međunarodnim standardima finansijskog izvještavanja (MSFI).

14. – UPRAVLJANJE RIZICIMA

14.1. Faktori finansijskog rizika

Kroz svoju poslovnu aktivnost društvo je izloženo tržišnom riziku i riziku likvidnosti. Upravljanje rizicima u društvu se bazira na nepredvidivosti razvitka na finansijskim tržištima i cilja na to da je moguće da nastanu negativne posljedice na poslovanje društva. Društvo ne koristi izvedive finansijske instrumente da bi se osiguralo od rizika. Upravljanje rizicima provodi se kroz finansijsku službu i upravu. Finansijski sektor u društvu identificira i procjenjuje finansijske rizike surađujući s ostalim odjeljenjima u

društvu. Uprava društva je odgovorna za donošenje uputa i odluka u pogledu upravljanja rizicima.

14.2. Tržišni rizik

Tržišni rizik je rizik promjene u tržišnim cijenama, kao što su promjene u deviznom kursu, kamatama i cijenama kapitala, koji mogu utjecati na prihod ili rashod društva, odnosno vrijednost finansijskih instrumenata. Cilj tržišnog rizika je upravljati i kontrolirati tržišni rizik unutar prihvatljivih parametara.

14.3. Valutni rizik

Društvo nije izloženo značajnim valutnim rizicima.

14.4. Kreditni rizik

Kreditni rizik je vrsta rizika koji nastaje pri ulaganju novčanih sredstava u finansijske plasmane, a sastoji se od opasnosti da se uložena sredstva neće vratiti, odnosno da se uložena sredstva neće vratiti planiranom dinamikom. Kreditnim rizikom se upravlja na najvišem nivou Društva. Kreditni rizici nastaju iz polaganja novca i novčanih ekvivalenata kod banaka, drugih depozita kod banaka i otvorenih potraživanja od kupaca. Za saradnju društvo bira banke s dobrim ugledom. Kod kupaca se procjenjuje bonitet. Pritom se u obzir uzima finansijska situacija, prethodna iskustva i drugi faktori. Individualni limiti rizika se baziraju na internim i ekstremnim procjenama u skladu sa odlukama uprave. Nadoknativi iznos finansijske imovine predstavlja maksimum kreditne izloženosti.

14.5. Rizik nenaplativosti potraživanja

Ovaj rizik se odnosi na rizik od finansijskih gubitaka, u slučaju da kupac ili ugovorna strana ne ispunjava svoje ugovorne obaveze. Rizik nastaje većinskim dijelom iz potraživanja od prodaje.

Knjigovodstvena vrijednost fakturisane realizacije predstavlja maksimalnu izloženost nenaplativosti potraživanja. Rizik nenaplativosti potraživanja najvećim dijelom vezan je za potraživanja od kupaca i ostala potraživanja. Na ovaj rizik utječu individualne karakteristike svakog kupca.

14.6. Rizik likvidnosti

Rizik likvidnosti definira se kao opasnost od neusklađenosti dospelosti sredstava i obaveza prema izvorima sredstava u privrednim društvima, što za posljedicu može imati teškoće s likvidnošću. Uprava društva je odgovorna za upravljanje rizikom likvidnosti. Politika za upravljanje rizikom likvidnosti društva podrazumijeva osiguranje dovoljnih likvidnih sredstava da se obaveze podmire na vrijeme, u uslovima normalnog i ubrzanog

poslovanja, bez rizika nanošenja štete ugledu društva. Društvo teži da iznose novca i novčanih ekvivalenata održi na visokom nivou, da bi se očekivani odlivi po osnovu finansijskih obaveza mogli izmiriti na vrijeme.

15. – DOGAĐAJI NAKON DATUMA BILANSIRANJA

Prema izjavama Uprave nije bilo značajnih događaja nakon datuma bilansiranja, koji bi mogli utjecati na rezultat posmatranog obračunskog perioda.

Zenica, 05.09.2023. godine

Stana Lovnički, dipl.oec.
Ovlašteni revizor



“Revicus” d.o.o. Zenica

Direktor: Hamdija Mujinović, dipl.oec.
Ovlašteni revizor

